

MME HO TLOHA MOHLANG OO

 Ruri ho molemo ho kgutla le ho utlwa moena, modisa, a fana ka bopaki ba mohau wa Modimo, le moradinyana wa hae. Ho jwalo ka Morena Jesu hantle, ho etsa jwalo. Ruri ho jwalo.

² Jwale, re thabile haholo, bosius bona, ho ba mmoho, e mong wa baeti ba rona mona, jwale ka ha re e bitsa, tshebeletsong ya thapelo ya bosiu bo lelekelang Selemo se Setjha, motswalle wa ka ya lokileng, Moena Ernie Fandler, e mong wa basokollwa ba Morena Jesu Kreste, kgau ya mohau. Ho tswa lehaeng la ha'bo Switserlane, ke hona moo a tswang teng. Mme kea kgolwa, moena ya nang le yena mono, ba dula Shawano jwale, ke Mojere mane ka setso, Moena Waters. Re thabetse ho ba le bona bosius bona.

³ Mme, hape, bosius bona, re na le e—e moena ya kgabane wa tumelo, Afrika Borwa, Moena David duPlessis. Re thabetse ho ba ha hae le rona, hape. Mme re...Nna le David re—re shebeletse, kapa ho rapela, mme Morena o re file mosebetsi o moholo mmoho, selemo se tlang, Afrika le dibakeng tse fapaneng tsa lefatshe. Moena David o mona jwale ho bua ka oona, le ho o rapella, pakeng tsa kajeno le Mantaha, ho etsa qeto ya hore ke neneng le ho kae hantle, ho—ho ya Afrika, le ho ya dibakeng tse fapaneng tsa lefatshe. Jwale ka ha, Moena David a na le ofisi e tswileng ka mahetla ho Seboka Sa Lefatshe sa Pentekosta, o bile o tsejwa haholo baetapeleng ba baholo ba sedumedi lefatsheng ka bophara. Mme o bile le tshusumetso e kgolo ho etsa, kamoo re tsebang, ho thusa ho kopanya Mmele wa Jesu Kreste, wa tumelo yohle ya diphutheho tsa borapedi. Ho sa tsottelehe seo (ba) kereke ya bona e leng sona, kapa seo (ba) kgatiso ya letshwao la bona e leng sona. Ke ntho eo, Kereke, Eo Kreste a e shwetseng.

⁴ Mme ke nnile ka nahana seo kamehla. Ke ne ke tlwaetse ho thusa ho phutha makgomo, hangata, kwana Bophirima. Re nyolohe, Moena David, le ho dula ka ntle mono moo ba qhobang dikgomo ho di fetisa tlhahlobong, ho nyolohela dithabeng, ho di fepa ka...ho di fudisa makgulong, ka...a moru. Nakong eo, jwang ba ho fepa bo ntse bo hola tlase koana, jwang bo hlaha. Ba ntoo hela jwang, le ho fepa makgomo nakong ya—nakong ya mariha, mehleng ya sefefo sa lehlwa, hodimo dithabeng.

⁵ Mme ke dule hodima sale mono ke shebeletse rapolasi a fetisa makgomo ao; mme polasi ka nngwe, tlase kwana, ya kgonang ho lema tono ya jwang. Ha ba kgona ho lema jwang ba ditone tse mashome a mahlano, hoo bolela ba ne ba ka

kenya dikgomo tse mashome a mahlano. Ha ba kgonne ho lema jwang ba ditono tse sekete, dikgomo tse sekete di ne di ka feta. Monna ka mong, a ena le letshwao hodima dikgomo tsa hae. Ba ne ba sheba matshwao, ehlile, mapolasi a fapaneng, hore di se ke tsa tswakana. Mme e re ha . . .

⁶ Ramoru, o ne a sa thahaselle mefuta yohle e fetang ya matshwao, hoba ho ne ho ena le matshwao a mefuta yohle. Empa ho na le ntho e nngwe a na a lokela ho e sheba, e ne e le lesale la madi. E ne e tlameha ho ba Hereford e ngodisitsweng semolao, ho seng jwalo di sa fete mokwallong. Ba di kgutlisa. Le a bona?

⁷ Mme ke nahana ho tla ba jwalo Kahlolong. E ke ke ya eba mofuta wa letshwao le ho rona, empa ha lesale la Madi le le teng mono. Ke sona se tla—se tla balwa, lesale la Madi.

Mme ke thabetse ho ba le Moena David le rona.

⁸ Mme kea bona Moena Estle Beeler o ne a le teng mona motsotswaneng wa ho feta. Ke mmona a ema kae-kae, morao mane. Le bareri ba bang bao re batlang ho utlwa ka bona, bosiusing bona. Mme, he, mme ke kgolwa ha Moena Ruddell le bao ba tla kena, hoba ba tla dula ho fihlela ka kgitla.

⁹ Empa leha ho le jwalo, Moena David a ke ke a dula ho fihla ka kgitla. Ke monna ya batlwang haholo, hohle. Mme hang ha Moena Rodgers a utlwela hore o mona, kgele, o tla romela a be le yena mono ka hora ya leshome. Ka baka leo ho bolela ha a tla tloha a tsamaya mona, haufinyane, ho ya tlase kwana Louisville.

¹⁰ Mme ke ne ke nahanne ho tla ba monate, ha eba ho tla loka ho Moena David, ha—ha re ka ba le yena a tle a bue se pelong ya hae, ho re rerela, ho etsa sohle seo Morena a mmehelang sona. Bohle re ka thabela ho utlwa Moena duPlessis, ho tswa Afrika Borwa.

¹¹ Ha nke ke bue sena. Ho re, mohla, ke ne ke le kwana Afrika, letsholong la ka le leholo leo Morena a re fileng lona kwana, moena wa hae e ne e le toloko ya ka, Moena Justus. Kea kgolwa lebitso la hae ke Moena Justus. Mme ke lelapa le letle la batho, baena bana ba ha duPlessis. Ke nahana ho na le . . . kea kgolwa ke bareri kaofela, kamoo ke tsebang kateng, le ntate mohlomong, hape, e ne e le moreri. Mme ba tswa lelapeng la batho ba batle. Mme Moena David o jara lebitso le leholo hara dikereke le mekgatlo ya phutheho lefatshe ho pota.

¹² Mme Moena David, ke rata ha o ka tla jwale mme wa bua le rona, eng feela eo Modimo a e beileng pelong ya hao ho e bua. Tloo o nyolohe hantle. Mme ke motlotlo ho tsebisa kerekeng ya ka, bosiusing bona. Enwa ke Moena Orman Neville, modisa wa rona. Mme ho kereke, enwa ke e mong wa

metswalle e kgabane, le—le mohlabani-mmoho tshebeletsong ya Modimo, Moena David duPlessis wa Afrika Borwa. Modimo a hlohonolofatse, Moena David.

¹³ [Moena David duPlessis o a bua. Sekgeo lebanteng—Mong.] . . . bua. Amen. Bohle re entse. Moena David, potlaka o kgutlele ho rona hape. Ho hotle hakaalo. Re thabile kannete.

¹⁴ Moena David o buile dintho tse ding mono, eka nka be nkile pene ya ka feela, nka be ke di ngotse fatshe. Empa ke tla hopola “ditloholo; ditloholwana.”

¹⁵ Tjhe, re hlile re ananela leeto la moena wa rona. Mme o . . . e ne e le . . . o amana le badumedi ba World Conference of Pentecostal, mme ke monna e moholo moleng wa tshebeletso ya hae lefatshe ho pota. Mme re lehlohonolo, bosiung bona, ho ba le Moena David ho bua le rona bosiung bona ba Selemo se Setjha. Mme le bona seo banna ba baholo ba se nahangan ka Morena wa rona, nahangan ka mohlanka wa Hae e moholo.

¹⁶ Jwale ke dumela ho re, hosane, kaha e le Selemo se Setjha, e se e le dihora tse mmalwa jwale. Mme ke tshwanetse ho tsamaya hoseng haholo, kahoo ke hopotse ho bua nakwana, ha ho ka loka ho Moena Neville. [Moena Neville o re, “Eya. Amen.”—Mong.] Moena Beeler, le bareri ba bang mona. Nke ka qeta nako e telele. Mme ke nahana ha re ka re “Amen,” ra ntoo ya hae, e ka ba molaetsa o hlollang. Mme re ka leboha Modimo ka seo re nang le sona mona, bosiung bona.

¹⁷ Mme jwale, empa e re ka ha bona e le bosiu ba Selemo se Setjha, re thabisana, ka Mmuso wa Modimo, ho rera, hofihlela e—ba Selemo se Setjha. Mme ke na le . . . ho tsoha hoseng haholo, ka matjeke, le pele tsatsi le tjhaba. Mme ha ke motjha jwale ka David. Mohlomong ke . . . Mohlomong ha ke ikutlwé ke le motjha jwale ka yena. O a . . . Ehlide, o moholwanyane—o moholwanyane ho nna. Kea kgolwa ka dilemo tse supileng kapa tse robedi, mohlomong tse leshome. Empa ruri ke kganare ya mollo ho Modimo, o tsamaya dimaele tse dikete tse mashome a mahlano selemong sena, bakeng sa Mmuso wa Modimo. Leetong la hae jwale ho rera ha Moena Rodgers, mme hosane o tla ba mmoho le ba bang, kae—kae, le kae—kae, le kae—kae, le ho kgutlela kwano ka Mantaha. Mme ke tshwanela ho kopana le yena ho etsa dihlophiso tsa leeto le tlang le haolang le lefatshie.

¹⁸ Mme re lokela ho fihla Afrika, kamoo ke utlwisisitseng thapama ena, ka Hlakubele, ka—ka Hlakubele ena e tlang. Ke tla kopana le Clayton Sondmore, ho tswa Full Gospel Christian Business Men, vekeng ena, kapa e tlang, ha e qala, ho etsa dihlophiso tsa Jamaica, Haiti. Veke e tlang ke ya Kentucky, kapa tlase Georgia, ho tshwara dikopano tseo mono. Ho kgutla hantle le ho theoha ka Kentucky, bosiu mona, le bosiu mane,

ho tshwara dikereke tsena. Le ho kgutlela hae hantle ho tswa moo, le ho ya e—e—e Atlantic City, bakeng sa ho qala ka 27, ho fihla ka la 30, le ho tsamaya mono hoseng ha la 1, le ho qala e—e Kingston, Jamaica, mono le...lebaleng la mabelo, bosiung boo, bakeng sa kopano ya matsatsi a leshome mono. Le ho tloha mono, ho tsamaya jwalo, ho kena Haiti, le kae-kae. Ha re tsebe re ye kae ho tloha mono, kamoo Morena a tla re tataisa feela.

¹⁹ Jwale, tsena ke ntseng di etsahala. Le a bona? Ha ke eso re ee. David o mona, Clayt o a tla. Gordon, Moena Gordon Lindsay o a tla, bakeng sa Amerika Borwa. Mme—me ba bang, Borakgwebo ba Bakreste bakeng sa Amerika e buang Selatini. Mme Moena David o bakeng sa Switserlane, Jeremane, ho theoha jwalo. Empa ha re e-so tsebe. Le nne le rapele. Ha ke ba tle ho ya kae kapa kae pele Modimo a re tsamaya, le ka tsebo ya ka e kgabane. Ha ho le jwalo, ha ke utlwa ke susumetswa ho tsamaya, ha ke theoha sefofane, ke... Mme ho sa tsottelehe seo kemokgahlano e leng sona, nka re, “Ke tla ka Lebitso la Morena Jesu.”

²⁰ Ke lebohetse David, setswalle seo re bileng le sona mmoho, hoba monna enwa ke monna wa maemo, empa o—o—o hlile o dumela tshebeletso ena ya Morena. O hlile o etsa jwalo. Mme—mme mabitso a rona a amahanngwa mmoho lefatsheng ho pota, nna le Moena David.

²¹ Mme ke thabetse haholo ho ikamahanya le monna ya kang eo. Empa, metswalle, ke ananela hoo. Empa ntho e fetisisang eo nka ratang ho amahanngwa le yona ke Jesu Kreste, Mora wa Modimo, e moholo Eo.

²² Jwale, Moena Neville le ba bang ba bona ba tla bua metsotsong e mmalwa, empa ke batla ho bala feela nthwana e tswang Lengolong jwale.

²³ Mme ho hotle, kea kgolwa, bosiung bona ba Selemo se Setjha, ho bona bareri ba fapaneng, le tselo eo ba atamelang mohlodithero, le seo ba se buang, le tse jwalo. Mme monna ka mong a ena le mokgwa wa hae wa ho rera. Le a tseba, Modimo ha re etsa re tshwana. O re entse re fapane. O re entse re fapane sebolephong sa rona. O entse lefatshe le fapane, le dithaba tse kgolo, le dithabana, makgulo, mahwatata, dipalesa tse kgolo tse tshweu, dipalesa tse boputswa ba lehodimo, le mefuta yohle e fapaneng. O re etsa re fapane feela. Ke phetho. O etsa hloho e kgubedu, le dihlollo tse ntsho, dihlollo tse sootho, hloho e tshweu; ho nona, bosepane, bolelele, oh, le eng hape. Le a bona? O mpa feela—O mpa a re etsa ka ho fapanang feela. Modimo ke Modimo wa dintho tse fapanang. Mme ke batla ke rata hoo. Ho jwalo ho lona? [Phutheho e re, “Amen.”—Mong.] Empa ke ntho e le nngwe ka dinako tsohle? Banna! Banna! Ke rata sena.

²⁴ Ha re phetleng Mangolong jwale, Bukeng ya Mohalaledi Mattheu, Evangedi ya Mohalaledi Mattheu, ho qala ka... Le temana ya 4, ke batla ho balla... ho re balla mohlodithero, Morena a re thus. Mohalaledi Mattheu, kgaolo ya 4.

Kea kgolwa, pele re bala, ha re rapeleng.

²⁵ Ntate ya Lehdimong ya Mosa, re boela re atamela Selemo se Setjha ka dipelo tse thabileng. Mme re atamela Wena re bile re O tlisetsa mathata a rona a kgale, mme re O kopa ho a lahlela lewatleng la tebalo, mme o se hhole o re hopolela dibe tsa rona le ka mohla. Mme eka re ka se lekole feela seemo sa rona sa semoya, empa ya rona... eka re ka lekola le setswalla sa rona le Wena. Le ho re tshwarela dibe tsohle tsa rona. Mme re kopa Moya wa Hao ho sebetsa le rona bosius bona. Mme ha ho ena le ho sa hlwekang ka rona, Morena, se lahlele hole jwale ka ha botjhabela bo le hole le bophirima. Se lahlele lewatleng la tebalo, re se hhole re se hopolelw, hore re kene selemong se setjha sena, re hlwekile, re hlatswitswe ka Madi a Konyana, le ho itokisa.

²⁶ Ha 1960 ena e be selemo se seholo seo re kileng ra O sebeletsa ka sona. Re fe ho fetisisang, ho ho ngata-ngata. Dikopano tsena tsohle tse tsweletseng, Morena, tseo re di nahanang le Moena DuPlessis, lefatshe ho pota, ho ya Asia, le hodimo Yuropa, le hohle—hohle ho potoloha. Morena, e ke e be thato ya Hao le Matla a Hao a tla re etella pele dinthong tsena. Mme ha re ka sutha tseleng ya Hao e Kgethehileng, Moya o Halalelang o ke o bee kutu tseleng le ho re thiba, Morena, le ho re kgutlisetsa tulong e nepahetseng. Fana ka sena.

²⁷ Hlohonolofatsa kerekana ena, Morena. E batla, e se e atamela dilemo tse mashome a mararo, kea kgolwa, e eme mona jwale, jwale ka sehopotso sa mohau wa Modimo, ho batho ba ithobileng. Re a rapela, Ntate, hore O hlohonolofatse Moena Neville, modisa. Hlohonolofatsa kereke yohle. Hlohonolofatsa diteraseti, batikone, motho ya bintshang, moletsi wa piano, le phutheho yohle, e mong le e mong, mesuwe ya sekolo sa Sontaha, hohle. Morena, re ke re hole mohaung wa Hao monongwaha. Le ditho tsa rona di eketsehe haholo, le—le mohau wa Hao o be mongata, hore, ho feta dilemong tse fetileng. Fana ka sena, Ntate.

²⁸ Jwale re thus re sa atamela sehloho sena seo re itokisetsang ho se bala, Lentswe la Hao. Mme ke Wena feela, Morena, ya ka kwahollang mme re O rapela ho re abela oona, bakeng sa Mmuso wa Modimo. Ka Lebitso la Jesu Kreste. Amen.

²⁹ Ke tsebisa jwale seo ke se kgethileng bakeng sa sehloho metsotso e mmalwa e latelang. Se fumanwa Lengolong mona, mme ke tla se bala. Se bitswa, ke batla ho se bitsa hona, “ho tloha mohlang oo.”

³⁰ Ke ne ke sa nahana, ke boletse bosiu bo bong, ke ne ke sa kgolwe hore ke tla theohela kwano, kaha mmetso wa ka o ne o opa. Mme mosadi wa ka a re ho nna maobane, kapa maoba, a re, "Jwale ke kgolwa o sa tlo' ya kerekeng."

³¹ Mme ka re, "Moratuwa, ha ke kgolwe. Mmetso wa ka o bohloko o a opa."

³² Mme yaba, bosius boo, yare ha ke dula fatshe ke tshwara Lengolo, ka thulana le Sena.

³³ Moena Sothmann o ile a fihla. A re, "O tla ya kerekeng hosane bosiu?"

Ka re, "Eya. Ke tla ba teng."

³⁴ Mme Meda a ntjheba, yaba o re, "Ha ke o utlwisise."

Ka re, "Ha kea o lebella ho etsa jwalo, o a bona," ka re, "kapa mang feela."

³⁵ Motho ya etellwang pele ke Moya wa Modimo le ka mohla ha a ke a utlwisiswa.

³⁶ Morena wa rona, ba ne ba sa Mo utlwisise. Eka O bua ka tsela e nngwe, motsotsong o mong; le ka tsela e nngwe, motsotsong o mong. Mme sebakeng se seng eke O bua ka ntho e sele. Ka dinako tse ding ho ne ho bua Jesu, ka dinako tse ding ho ne ho bua Modimo. Le a bona? Esita le barutuwa ba boletse mono, qetellong, ho re, "Bonang, jwale U bua pepenene. Jwale re a utlwisia." Le a bona?

³⁷ Mme Jesu a re, "Lea utlwi-... Mme jwale lea dumela?" Lea bona, ka morao ho mono.

³⁸ Ha o kgone ho e etsa, hoba o tsamaiswa ke Moya. Mme ha o qala o etsa ntho e nngwe, o iphumana o ipona o... Modimo o batla ho o sebedisa sebakeng se seng. O lokela ho ema *mona* le ho ya *mona*, ho tsamaiswa ke Moya feela. Ke batho ba ilehang, ba mekgelo ba nang le bophelo boo o batlang ho bo kgethela Modimo.

³⁹ Mme kamehla ke re, "Ke tla etsa hona ha Modimo o rata." Le a bona? Ha ke etsetsa mang kapa mang tshepiso, "Ke tla e etsa ha Morena a rata." Le a bona? Mme ka hona, jwale, ha e se thato ya Morena, ke tla be ke... Ke tla bua ka Molaetsa ona ha Morena a rata. A ka mpitsa, hantle Molaetseng ona, ho tloseletsa ho ya California. Ke ne ke tla lahlela hohle ka thoko mme ke tloseletse ho ya California, ka lebelo leo nka le kgonang.

⁴⁰ Mme ke batla ho phela jwalo. Ha ke batle letho le ntlamang. Ha ke batle letho le leholo kapa ho hong ho itseng, moo ho qosang dimilione tsa didolara, mme o tshwanela ho fumana tjhelete e ngata, letsatsi le letsatsi, ho ntlama. Ke batla ho ema, moo, ha Modimo a re, "Ke batla o theohela mona bathong bana. Ba bahlano feela. Empa theohela mono, mme o

dule mono hofihlela ke o bolella ho tsamaya.” Ke batla ho ya mono. Ha ke na boikgethelo, feela . . . leha A mpatla ho ya mose ho mawatle.

⁴¹ Jwale ke ena moo e leng teng, ke buile feela, ka ho ya Jeremane, kapa ho—ho ya Afrika. Mme mosadi e mong ya nang le dimilione, ka yona nako eo Moya o Halalelang o no o ntshusumetsa ho ya Afrika, a re, “Ke tla tshehetsa leeto ke lefelle ntho yohle ya lona.” Le a bona? Ke phetho. Hobaneng ke lokela ho touta ka tjhelete le dintho, athe ke tsa Ntate wa ka tsohle? Le a bona? A ka bua le monna enwa wa morui, kapa monna yane wa morui, kapa batho bana, kapa batho bane, mme ke sa hlokehe ho touta ka yona. Le a bona? Modimo o e hlokomela yohle.

⁴² Moena Roy, ke wona mokgwa wa ho phela. Mo tlohele A hlokomelé tsohle. Ho hotle haholo.

⁴³ Jwale ha re phetleng Mangolong a rona, kgaolong ya 4. Mme re qalelle ho—ho bala, temana ya 12 ya kgaolo ya 4 ya Evangedi ya Mohalaledi Mattheu.

Eitse ha Jesu a se a . . . Mme eitse ha Jesu a utlwile hobane Johanne o kentswe teronkong, a ya Galalea;

. . . falla Nazaretha, a ya aha Kapernauma, motse o pela lewatle, naheng ya Sebulone, mane Nefthalime:

Hore ho etsahale ho boletseng ke moporofeta Esaia, ha a re,

Lefatshe la Sabulone, le lefatshe la Nefthali, tseleng ya lewatle, mose wa Jordane, Galelea wa Ditjhaba;

Setjhaba se neng se dutse lefifing se bone lesedi le leholo; mme lesedi le tjhabetse ba neng ba dutse dinaheng tsa lefu le moriting wa lona.

Ho tloha mohlang oo Jesu a qala a ruta, le ho re, Bakang: hobane mmuso wa mahodimo o atametse.

⁴⁴ Ke batla ho bua ka sehloho: *Mme Ho Tloha Mohlang Oo.* Le a tseba, jwale ka motho, bohle re nahana ka dintho ho tloha ka nako e itseng. Ntho e itseng le e itseng e etsahetse, mme ho tloha mohlang oo. Mme, jwale, hangata, o kopana le monnamoholo kapa mosadimoholo, mme ba rata ho hetla morao mohla ntho e itseng e ne e etsahala, e leng eo ba ka e qohollang ka ho hlaka le ho re, “Ke hona mohlang oo.”

⁴⁵ Jwale, kea kgolwa boholo ba rona mona, bosius bona, bo ka hopola, kgopoloo ya dintho tse itseng tse etsahetseng ka nako e itseng. Ho tloha mohlang oo, ntho ya fetoha. Ntho ena le ena, e etsahetse mohlang oo. Mme ho tloha mohlang oo, yaba ho fapanie. Mme ke ntho e ntle ha re kgona. Mme hara e meng ya mehopolo eo, ya dintho tseo re di nahananang, ho fetohile dintho tsa bohlokwa. Le dintho di teng tse seng bohlokwa ho di hopola.

⁴⁶ Ho tea mohlala, ha mosadi ya mekgwa e mebe, a ka re, “Nkile ka ba ngwanana ya imametseng, ya lokileng, ya itshwereng hantle. Mme bosiu bo itseng, kapa sebakeng se itseng, ha etsahala ho itseng.” Mme ha e sa le mohlang oo, a tsamaya tseleng e fosahetseng. Bophelo ba hae bo sentswe ke sebe, botsho le lefifi, mme o se a emetswe ke kahlolo feela. Empa a ka hopola, ho tloha mohlang oo o itseng, e etsahetse ha ne a nka tsela e phoso.

⁴⁷ E—e monna wa letahwa, bosius bona, diterateng, ya lekang ho tlosa mahlomola a hae ka ho nwa. O ka mo nka. Jwale ka ha ke ne ke etetse setsheng sa matahwa mona, nakwaneng e fetileng, New York, setsi se seholo sa matahwa. Ke tsamaya le moreri ya itseng. Mme monna o ne a robetse mono, oh, ho ena le banna ba bangata feela, ba se nang kotsi, ba se nang thuso, diaparo tsa bona di kolobile ka pele, mme—mme ditedu di tletse difahleho tsa bona, mme ba le maemong a nyarosang feela. Mme ba se na kotsi ho hang.

⁴⁸ Yaba moreri enwa o re, “Nka yane, mme o ke o mmotse feela.”

⁴⁹ Mme ka ya ho monna enwa ya neng a robetse leoto le leng le behilwe hodima bampara ya koloi, mme hloho ya hae e robetse seterateng, mme a sa ka a kgona ho—ho—ho ya ka dinako, matlwaneng. Oh, a le maemong a nyarosang feela. Yaba kea mo tshwara, mme ka re, “Na o ka bua?” Mme a sa batle ho nkaraba.

⁵⁰ Ka hoo moreri a kgumama. A tseba mokgwa wa ho sebetsana le yena ho feta. Mme a mmotsa, “O mang?”

⁵¹ Mme qetellong a mo tsosa, hoo a bileng a re, “Ha o ka nthekela seno!” Le ho fumana, a ne a kgona ho supa banka eo a bileng mopresidente wa yona.

⁵² “Tjhe,” a rialo, “re bareri. Na o ka mpolella se etsahetseng?”

“Ha o ka ntshepisa seno!”

⁵³ Tjhe, re ne re ke ke ra etsa jwalo. Ka re, “Nke ke ka eketsa mahlomola a hao ka mahlomola a mang. Ke batla ho o thusa.”

⁵⁴ Pale ya hae yohle. Bosiu bo bong, a fihla hae, mme ho beilwe, seo a se bitsitseng lengolo la, “John ya ratehang” e—e hodima tafole. Ha ho le jwalo, mosadi wa hae o ne a mo siile. Mme a ile a... O ne a mo rata. Mme a nkile bana ba hae. Mme o ne a hladilwe, mme a matha le monna e mong. Mme a re, “Ke sa tsebe seo nka se etsang, ho ithunya ke pshatla boko baka, kapa hore ke etseng. Ka hona ka—ka ya bareng.” Mme ho tloha mohlang oo, ke eo moo a na a le teng. Ho jwalo lefatsheng ka bophara.

⁵⁵ Motho ya leshano. O ka qotsa e mong, jwale ka ha nkile ka bua le monna, tsatsi le leng, eo ke ne ke nahana a etsa metlae.

Mme ka fumana, hore, o buile mashano a mangata hoo a bileng a dumela ho wona, ka boyena. Mme ka re, "Hobaneng o etsa jwalo?" Mme ka dula ho qoqa le yena. Ka re, "Ke batla ho o botsa. Dipale tseo di hlaha haholo hore batho ba ka di dumela."

⁵⁶ A re, "La pele leo ke hopolang ke le bua." A re, "Ke bile moshanyana ya holetseng lapeng le lokileng." Mme a re, "Ka tswa ka tsuba disakrete tsa silika, ho iketsa bohlale feela. Mme ka ja kofi, ho tima lephoka moyeng wa ka." Mme a re, "Ke e etsetsa ka morao ho tjhommela ya kgale, ka morao ho ntlo." Mme a re, "Nke ke ka lebala, eitse ha mme a nkgaoletsa, mme a re ho nna, 'Mora, e re ke nkge moywa hao.' Mme ka budula moywa hao ka sefahlehong sa hae, mme a re, 'O jele kofi ho tima ntho e nngwe moyeng wa hao. O n'o nts'o etsa'ng? Na o n'o nts'o tsuba disakrete?'"

⁵⁷ Mme a re, "Ntho e nngwe ya ntaela ho mmolella nnete." A re, "Empa ka re, 'Tjhe, mme. Sefapano. Ha kea tsuba disakrete.'" A re, "Mme ho tloha mohlang oo, ha qaleha ntho ena."

⁵⁸ Kaofela re ka fumana ntho e—e qadileng ka nako e itseng. Mme ho qala ka nako eo ho tswela pele, dintho tsa fetoha. Mme dintho tsa bohlokwa di teng tseo re ka di hopolang. Banna ba maikemisetso a matle ba lekile ho qala dintho botjha, ho etsa dintho tse itseng ka nako e itseng.

⁵⁹ Ho etsa mohlala, mohla Benjamin Franklin a ne a fumana motlakase la ho qala, mme ba kgona ho o qhaneha. Ba qala ba re, "Ho tloha ka nako ena ho tswelapele, dintwa ha di sa tla ba teng. Hobane, hoo, motlakase ona o ka kennwa meterong, ka matla a maholo hakana, ho fihlela ho se motho ya ka o tshelang." Ba ne ba ikemiseditse bottle.

⁶⁰ Mme hantle ka mora Ntwa ya Pele ya Lefatshe, mohla—mohla Kaiser Wilhem a ne a saena selekane sa kgotso. Re ne re bolellwe mona Amerika. Ke le moshanyina wa dilemo tse robong. Empa ke hopola mohla batho bohle ba ne ba re, "Re ke ke ra hlola re eba le ntwa e nngwe. Ho tloha hona jwale, ho fedile, kamehla." Empa ra ba le ntwa e nngwe.

⁶¹ Le mehleng ya U.N. e kgolo. Kapa, nka re, pele ho moo, ba etsa ho bitsitsweng Liki ya Setjhaba. Mme ba re, "Jwale ha re sa tla ba le dintwa, hoba re na le Liki ya Ditjhaba e tla hlahluba lefatshe. Mme ha ho tsoha mofererefere kae-kae, banna bana ba tswang naheng e nngwe le e nngwe ba tla ya mono mme ba dise lefatshe." Empa ya hloleha. Ba tswela pele ho lwana. Mme U.N. e tla ba jwalo le yona.

⁶² Re bolellwa jwale ka bolepi bo reng hosane bosiu kapa Sontaha bosiu... Yena monna ya lepileng Pearl Harbor, ka ho nepa wona motsotsso oo e—e difofane di ne di tla e ruthutha, o

buile, a re, "Sontaha bosiu ka kgitla, diperesente tse mashome a supileng le metso e mehlano tsa ma-Amerika e tla ba molora, hore Rashiya e tla thunya Dinaha tse Kopaneng ka bomo, bosiu ba Sontaha sena se tlang ka hora ya leshome le metso e mmedi." Yena motho ya lepileng Pearl Harbor. Ha ba e phatlatlatse, hoba batho ba ka ferekana. Ha ke e dumele. Le a bona? Tjhe. Hobane, le ke ke la mamella ntwa ya atomo. E nngwe ya bona e lebelo ho feta moedi wa modumo, ka *mona*, re tla e tswibilela *kwana*, mme lefatshe le tla phatloha dikotwana. Ho na le ntho e tlamehang ho etsahala, le jwale, pele Jesu a kgutla. Ke hantle.

⁶³ Ho tea mohlala, banyalani ba batjha. Ho na le nako eo ba nyalanang ka yona. Mme ba—ba kopantse dikano tsa bona. Mme ba itlamme, e mong ho e mong, botshepehi ba bona. Mme ba boletse, ho re, "Re tla ratana, re hlomphane, re thabelane, ha feela re ntse re phela." Empa ho fihle nako eo ho etsahetseng ntho e itseng.

⁶⁴ Ntho tsena tsohle mono, ho na le nako eo ntho e nngwe e etsahetseng. Mme mohlolong dikano tsa bona tsohle, le liki dinaha, le tseo tsohle, mohlolong ka maikemisetso a matle, empa tsohle di tsohle tsa fihla pheletsong. Tsohle di a theleha, tlasa e—e—e maoto a motho. Ka maikemisetso wohle a matle ao re ka bang le wona, empa wohle a tshwanela ho fihla pheletsong.

⁶⁵ Empa nako ya ho fihla nthong e sa Feleng e teng ho motho. Ke mohla, motho, mohla motho a kopanang le Modimo. Ke mohla ho etsahalang ntho e itseng e sa Feleng.

⁶⁶ Re etsa diphoso tsa rona. Mme re etsa dikano tsa rona bosiung ba Selemo se Setjha, mme re boele re di robe tsatsi le latelang. Re phetla maqephe a matjha, mme re ngola dikano. Mme re ya ho baprista le...Ha re etse jwalo, empa Makatolike a etsa jwalo. Le ho ipolela, le ho ngola boitlamo, mme re ya aletareng le ho phetla maqephe a matjha, empa tsohle ke lefeela. Hoba, kgetlo le latelang ha motho a fapanla le rona kapa ntho e nngwe, mabifi ao a kgale a boela a phatloha. Nako le nako ha re kena bothateng, e boela e etsahala.

⁶⁷ Empa motho a ka fihla sebakeng, nakong, e ka mo fetolang ka mehla, ka ho sa Feleng. "Ya tlang ho Nna, Nke ke ka mo lahlela ka ntle," Jesu o itsalo. Motho a ka tla ho Modimo, mme qetello ya hae yohle ya Bosafeleng e fetolwe. Mme motho a ka kopana le Modimo, mme a ke ke a hlola a tshwana le ka mohla. O ke ke wa kopana le Modimo wa dula o le motho eo o bileng yena. Ha o Mo hlanohela, o tla ba motho e mobe ho feta pele. Ha o Mo amohela, o na le Bophelo bo sa Feleng, mme O tla o tsosa ka letsatsi la bofelo, ka tshepiso ya Hae.

⁶⁸ Ho kile ha ba le monna ya bitswang Abrahama, ya tswang ho Bakalde, mme a ahile motseng wa Ure. Mme e le monna ya

lokileng, monna ya molemo. Mohlomong, ho ka etsahala hore o ne a... Mohlomong ntat'ae a sebeletsa medingwana ya bohata, hoba ba tswa Babylona. Mme e le motho ya tlwaelehileng feela, mme a ntse a tsfala. A le mashome a supileng le metso e mehlano, mme mosadi wa hae a le mashome a tsheletseng le metso e mehlano.

⁶⁹ Mme Abrahama, ka tsatsi le leng, mohlomong a tswile ho ya naheng, ho tsoma kapa seo a ne a se etsa, a kga monokotshwai, kapa seo mosebetsi wa hae o ne o le sona, a kopana le Modimo. Mme ho tloha mohlang oo, keha a fetohile. Keha a kgona ho bitsa dintho tse siyo, eka hoja di le teng, hoba a kopane le Modimo. A tseba motsotslo le hora eo a kopaneng le Modimo ka yona. Ya mo fetola. Mme Modimo wa mmiletsa ho fetoha ntat'a ditjhaba-tjhaba. Mme a dumela Modimo le tshepiso ya Hae, hoba a ne a kopane le Modimo. Dilemo tse mashome a mabedi le metso e mehlano hamorao, ba ne ba hhalosa, ba leka ho mo nyokgolosa, ho mmolella ha a dumetse ntho e phoso. Empa Bibele e itse, "A nna a ipha matla ka dinako tsohle, a ntse a roriswa Modimo." Hoba, a tsebile hore Modimo o ne a loketse ho boloka tshepiso.

⁷⁰ Ke mohla motho a kopanang le Modimo. Hoo ho fetola sebopetho sa hae. Ho mo fa kutlo e kgolohadi. Jwale ka ha ke ne ke bua bosiu bo bong, motho wa tlhaho o na le dikutlo tse hlano feela. Empa, modumedi, ha a kopana le Modimo, o fumana ntho e fapaneng. Ke kutlo e kgolohadi e mo phahamisetsang ka hodima meriti. E etsa hore a dumele dintho tse ke keng tsa etsahala. O sa ntse a dumela hobane di tla etsahala, hoba Modimo o itsalo. Ha motho a kopana le Modimo, ntho e nngwe e a etsahala.

⁷¹ Ho kile ha ba le mohla monna a ne a kwetlisitswe bohlaleng bohole, ho thutabomodimo yohle ya Lentswe la Modimo. A Le tseba ka botlalo. A rupeletswe. A ena le dikgau tsohle. A hlalefile hoo a neng a ka rupella barutehi ba Baegepete le mesuwe ya bona. A e tseba kaofela, ka botlalo. Empa e le lekwala ka yona, a matha, a potela lehwatatemeng mme a aloisa manku a motho o sele. Empa ha fihla mohla Modimo a kopanang le yena mono, sehlahleng se tukang. Mme ho tloha mohlang oo ho tswella, Moshe a fetoha, hoba a kopane le Modimo sehlahleng se tukang. Le sefahleho le sefahleho le Modimo, a ke ke a hcola a tshwana le ka mohla.

⁷² Ha monna kapa mosadi... Ha ke tsotelle bongata ba dikano tseo o di etsang, kapa o phetla maqephe a matjha hakae. Pele o kopana le Modimo, o ke ke wa fetoha. Empa hang feela ha o kopana le Modimo, jwale o fetotswe kamehla.

⁷³ Ha e a fetola Moshe feela. E fetotse Israele. E fetotse Egepete. Ya fetola lefatshe ka nako eo, hoba monna a le mong a kopane le Modimo mme a Mo nka Lentsweng Hae.

⁷⁴ Seo re se hlokang kajeno ke hore motho e mong a kopane le Modimo, sefahleho le sefahleho, le ho bua le Yena, maemo. Ha banna ba kopana le Modimo, dintho di a fetoha. Ehlide. Ke wona feela mokgwa oo re ka fumanang dintho.

⁷⁵ Mme ho tloha mohlang oo, Moshe wa lekwala, Moshe ya neng a baleha, o ne a fetotswe. Mme ho tloha mohlang oo, ya eba mohlanka wa Morena. E sebetsa jwalo ka mehla. Ha motho a kopana le Modimo, dintho di a fetoha.

⁷⁶ Ho kile ha ba le ngwanana, a sa fete dilemo tse leshome le metso e robedi, kapa mohlomong a sa hola hakaalo, ya neng a lebile sedibeng hoseng ho hong, ho kgella nkgo ya metsi, tlase Nazaretha. E le ngwanana e motlenyana. A dumela. A ena le tumelo. Empa, hoseng hoo, a kopana le Modimo. Mme Modimo wa mmolella ntho e nngwe, mme a e dumela. Mme ya fetola tsela yohle ya bophelo ba mosadi, le ho mo etsa ya sa shweng. Lebitso la hae e ne e le Maria, mm'a Morena wa rona Jesu. Mofumahatsana eo e le ngwananyana ya tlwaelehileng feela, empa a kopana le Modimo. Mme ho tloha mohlang oo ho tswelapele, ntho ya etsahala. Ruri.

⁷⁷ Ho kile ha ba le monna ya bitswang Petrose, motshwasi wa kgale wa dihlapi ya kgohlahetseng, mohlomong a kgohlahetse ka moo ba ne ba ka kgona. Mme mohlomong e le mothohadi ya leqhoko. Hoba, ha se kgale mona, ha ke bona tshwantshiso, e bitswang, "Motshwasi E Moholo Wa Dihlapi." Ka nahana e ne e le tlhaloso e kgabane haholo ya Petrose, ka hobane e ne e le thakahadi la kgale le kgohlahetseng. A sa tsotelle letho. A batla a sa dumele letho. Empa, ka tsatsi le leng, a kopana le Modimo. Mme ho tloha mohlang oo, a fetolwa. Ho tloha mohlang oo, o fetoha moapostola wa Morena Jesu Kreste.

⁷⁸ Jwale ka ha Moena David duPlessis a ne a re bolella nakwaneng e fetileng, ka Saule wa Tarese, mmolai, ya neng a tshwere aparo tsa babolai, hoo, mme a paka, le ho ba paki ya lefu la Setefane moshwela-tumelo. A tshwere mangolo mekotleng ya hae, ho theohela e—e baeletsing ba dikereke, le ho hlahlela batho ba neng ba etsa lerata le leholo, ba hlodiya, mme ba rorisa Modimo. E le monna e moholo mahlong a Bafarasi. E le Mofarasi wa Bafarasi. Empa, tsatsi le leng, o ne a le tseleng ya hae e yang Damaseka, mme a kopana le Modimo. Lesedi la kganya la mo teela hare. Mme ho tloha mohlang oo ho tswelapele, ya se hhole e-ba Saule wa Tarese. Empa ya e-ba Pauluse, motho ya ikokobreditseng, motho ya bonolo, hoba a kopana le Modimo, mme Ya mo fetola.

⁷⁹ Ho ne ho ena le molepera ya robalang kgorong. Dipheko tsohle tsa meriana di sa kgone ho mo phekola. Diso tsa hae tse boladu di petile hoo matsoho a hae a neng a sa kgone ho phahama, hape. Mme maoto a hae, a sitwa ho a hula. Bothata

ba hae bo se na tshepo. Empa a kopana le Modimo, ka tsatsi le leng, a tswa kgorong. Yaba o itihela fatshe mme a rapela, le ho re, "Ha O rata, O ka ntlhwekisa."

⁸⁰ Mme A re, "Ke a rata. Hlweka." Mme ho tloha mohlang oo, keha a se na lepera, hoba a ne a kopane le Modimo.

⁸¹ Monna wa sefolu ya n'a dutse pel'a tsela. A sa kgone ho bona lesedi le lefifi. Ho se letho le mo thusang. Ka tsatsi le leng, Motha a tswa motseng wa Jeriko a tsamaya, mme yare ha a kopana le Modimo; mme ho tloha mohlang oo, a kgona ho bona. Pono ya hae ya kgultlela ho yena. Pono ya lesedi ya phunyeletsa mahlong a hae, mme a boela a bona. Hobane, ho tlohlha mohlang oo, ha a ne a kopana le Jesu, ya eba motho ya fapaneng. A busoletswa pono ya hae.

Motho ha a kopana le Modimo, ho na le ntho e etsahalang ruri.

⁸² Ho kile ha ba le mohlankana, ka nako e nngwe; ntle le pelaelo, moahi ya kgabane wa na ha, empa a kenwa ke meya. Mme a le mobe hoo diteronko di ne di sitwa ho mo tshwara. Mme ba mo tlama ka mahlahlela. Mme a ena le legione ya matemona, ka ho yena, hoo a ne a kgaola mahlahlela a itokolle. Mme matemona a mo kgannela mabitleng, moo a bileng a dula teng. Mme a nka majwe mme, a kgohlala hoo, a bileng a itlhhabaka. Oh, e le lethaka le tshabehang. E ne re ha meya eo e mo tlohela, ntle le pelaelo a nahane, "Ke etsang mona?" Mme nakong yona eo, matemona a boele ho yena, le ho mo hlabaka le ho mo tabolaka. Empa, tsatsi le leng, a kopana le Jesu. Mme ho tloha mohlang oo ho tswelapele, lehlanya la Gadara la kgutlewa ke kelello ya lona e ntle, le apere, le dutse maotong a Hae. A ka kgutlela hae, e le monghadi. A ka kgutlela tswelopeleng. A ka kgutlela ho baratuwa ba hae, mme a ka re, "Ho tloha mohlang oo, ke fetotswe." E.

⁸³ Ka tsatsi le leng, kwana kwana Kalvari, mohla Modimo le lefu ba ne ba kopana, sefahleho le sefahleho, mohla Bophelo le lefu di kopanang. Empa ke mohla Bophelo, Kreste, a ne a tsomula tsenene ya lefu. Mme ho qala nakong eo, lefu ha le sa na tsenene ho lona. Ke thabetse hoo haholo. Modimo! Lefu le Modimo ba kopana, mmoho. E sa le lefu le fetohile. Ha le sa na tsenene ho lona. Modumedi wa Mokreste a ka tsamaela ka pela sefahleho sa lona a ba a re, "Wena lefu, tsenene ya hao e kae? Lebitla, tlholo ya hao e kae?" Hobaneng? Di kopane le Modimo di le pedi. E sa le di fetoha ho tloha nakong eo.

⁸⁴ Motha a ke ke a hlola a tshwana, ha ho letho le ka nnang la tshwana, ha le kopana le Modimo. O ke ke wa hlola o tshwana.

⁸⁵ Ke sa hopola ke robetse diphateng tsa kokelo. Dingaka di mpalla metsotso e meraro ho phela. Pelo ya ka e otla, makgetlo a leshome le metso e supileng ka motsotso. Ka kopana le Modimo. Ha e sa le ho tloha moo, ha ke sa tshwana le pele.

Ntho e nngwe e etsahetse ho nna. Ho se motho ya ka mpolellang ntho e fapaneng. Bill Branham o shwele. Ke kopane le Modimo, mme Ntho e nngwe e kena ka ho nna. Ha ke sa tshwana ho tloha motsotsong oo ke ne ke kopana le Yena. O mphetotse. O nketse ntho e fapaneng. Ke ne ke sa etse kano ya Selemo se Setjha, empa ke kopane le Modimo.

⁸⁶ Banna le basadi, ha o kopana le Modimo, o a fetoha. Bosiung bona re etsa dikano tsa rona tsa Selemo se Setjha; ho kgutla hoseng ho latelang, ho di roba; tsatsi le latelang, ho di roba. Empa seo re lokelang ho se etsa, hase kano ya Selemo se Setjha, empa re hlokwa ho kopana le Modimo sefahleho le sefahleho, le ho fumana Bophelo bo sa Feleng, ho tswalwa ke Moya wa Hae.

⁸⁷ Monnamoholo e mong, ka nako e nngwe, mme o ne a sa kgone ho etsa qeto kelellong ya hae. Diabolosi a sa phetse ho mo thibella yona. Ka tsatsi le leng, kwana naheng, a kgumama fatshe ho rapela. Yare a sa rapela, a hloma thupa fatshe. A re, “E ke e be sehopotso. Satane, ha o ka tla ho nna hape, ke tla o supisa thupa ena. Ke tla o bolella ha ke kopane le Modimo hantle mona, mme ho fedile ho tloha mona ho tswelapele.” Ke seo re se hlokang, mohlomong e seng thupa naheng, empa kae-kae, phaposing e ka sephiring, sebakeng se seng. E seng e . . .

⁸⁸ Oh, bosiung bona, ho tla etswa makgolo a dikano, ho tla etswa dikete tsa tsona. Mme isao re tshwanela ho di etsa tsohle, hape. Re tla re, “Re tla tela leshano. Re tla tela ho etsa sena. Mme re tla suthisa mabifi a rona. Re tla sebeletsa Modimo ho feta. Re tla etsa sena, kapa sane, kapa se seng,” re mpa re fumana feela, hore ke lefeela.

⁸⁹ Seo motho a hlokang ho se etsa, bosiung bona, ke ho kopana le Modimo sefahleho le sefahleho. Mme ho tloha moo, ke sebopuwa se fetohileng. Alleluia! Oh, eka nka e bolela kamoo ke e tsebang kateng. Empa ha motho a kopana le Modimo, o fetohile, ho tloha motsotsong oo, matsatsi a hae ohle. A ke ke a hlola a tshwana, hoba o na le Bophelo bo sa Feleng. Ke sebopuwa se setjha. Tsohle di fetile, mme tsohle di ntjhafetse ho yena. O shebahala a le motjha.

⁹⁰ Monna ya kulang a ka fihla ka pela sefahleho sa Modimo, hodima dingaka di itse, “O tla shwa.” Empa a ka fihla ka pela sefahleho sa Modimo, a rapella bothata ba hae. O tla tloha, e le motho ya fapaneng, le ho tloha nakong eo ho tswelapele.

⁹¹ Oh, ke hopola Mokonkrese Upshaw, o ne a qetile dilemo tse mashome a tsheletseng le metso e tsheletseng setulong sa bakudi. Bosiung boo, kwana California, ha Moya o Halalelang o ne o theoha, mme o qalella ho bua, a kopana le Modimo. Mme ho tloha moo ho tswelapele, a kgona ho tsamaya ka ntle ho melangwana ya hae.

⁹² Ke bone mohla batho ba ne ba robetse ba jelwe ke mofetshe, e se letho haese seriti feela. Mme dingaka di fete di

re, "Ho fedile ka bona." Baratuwa ba bona ba kgobokane ka hare, ho bua mantswe a ho qetela ao ba ka a buang, ho bona, kgothatso. Empa ba kopana le Modimo, mme, ho tloha mohlang oo ho tswelapele, ba ne ba fetohile. Ba phela ka mokgwa o fapaneng.

⁹³ Ke bona mosadi ya itshwereng hampe, kwana seterateng. Ke bona letahwa, kwana pakeng tsa mehaho. Ke bona moikaketsi, kwana ka hara kereke. Mefuta eo yohle e fapaneng ya batho, Selemo ka seng se Setjha, ba phetla leqephe le letjha, le ho leka ho etsa ntho e fapaneng, ho leka ho etsa ditokiso le ho etsa tseo tshole. Ha ba ke ba kopane le Modimo, hang, mme ho tloha moo ho tswelapele.

⁹⁴ Jesu o boleletse bao ho tloha moo, ba neng ba dutse mabatoweng a moriti wa lefu.

⁹⁵ Bosiung bona, ke re, ha motho a batla ho fihlelwa ke phethoho ya nnete, a ke a kopane le Modimo sefahleho le sefahleho, mme a kopane le Yena ka nako e nngwe, eba a ka re, "Ho tloha moo, ho tloha mohlang oo, ka ba motho ya fetohileng. Ke tseba ka boiphihlelo."

⁹⁶ Ka morao ho nakwana, kereke e tla phutheha e pote alatare mona. Le tla be le nehelana ka maphelo a lona, botjha. Le tla tela dintho, le beha dintho aletareng. Moena, ha nke ke o eletse. Ha o eso kopane le Modimo, sefahleho le sefahleho, ha nke ke o bolelle ntho e nngwe. O dule aletareng eo. Dula mono feela hofihlela o kopana le Modimo, ebe o ka supa morao bosiusing boo ba Selemo se Setjha seo ka monwana wa hao. E seng, le ho re, "Ke phetlile leqephe le letjha. Ke entse kano e ntjha jwale." Empa, "Ho tloha mohlang oo ho tswella, ke kopane le Modimo. Mme bophelo ba fetoha, mme dintho tsa fapania. Mme ntho yohle eba ntjha, ho nna, hape, ho tloha mohlang oo ho tswella," mohla o kopanang le Modimo.

⁹⁷ Hase, ho kopana le Selemo se Setjha. Re tlil'o tobana le sona, metsotsong e mmalwa. Ka morao ho nakwana, dihoreng tse ka bang pedi le halofo, kea kgolwa. Mohlomong ka tlasana ho moo. Re tla tobana le Selemo se Setjha, sefahleho le sefahleho. Re tla kopana le sona ka dikano. Re tla kopana le sona ka dilekane. Re tla kopana le sona ka maikemisetso a matle. Re tla kopana le sona, re ntse re re, "Re tla leka ho phetla leqephe le letjha. Re tla leka ho etsa ntho e fapaneng." Hoo hohle ho lokile. Ke ananela hoo.

⁹⁸ Moena, e ke ke ya eba Bosafeleng hofihlela o kopana le Modimo, pele. Ha o kopana le Modimo, pele, mme, ho tloha moo, ntho ka nngwe e tla fapania.

Ha re rape leng re sa inamisa dihloho tsa rona.

⁹⁹ Morena Jesu, Mora wa Modimo, ke hopola mohla ke ne ke kopana le Wena, Morena. Ke hopola, motho ya madimabe ya

soto, ya phelang bophelo ba boitshwaro, ke sa hlwahlwaele, ho nwa, kapa ho gembola, kapa ho tsuba, kapa tse jwalo. Empa ka tseba, Morena, eitse ha lefu le kgukgunela ka hara phaposi eo ya kokelo, dilemo tse ka bang mashome a mabedi tse fetileng, ho ne ho ena le ntho e haellang bophelong ba ka. Mono ka kopana le Modimo, mme ho tloha mohlang oo. Ho tloha mohlang oo, Morena, ke lekile ho O sebeletsa. Bophelo ba ka bo fetohile mme ntho ka nngwe e shebeha e fapane. Ke thabetse ha ke ile ka kopana le Wena, Morena. Mme bosius bona, re tobana le Selemo se Setjha, ke thabela ha ke kgona ho tobana le sona Moya wa Modimo o phelang o dutse pelong ya ka.

¹⁰⁰ Re fe bophihlelo bo bongata, Morena. Re fe ho loka ha Hao le mohau. Re tshwarele dibe tsa rona. Mme re ke re phele selemong se tlang, oho Morena Modimo, ka boiphihlelo, ba hore re kopane le Wena le maphelo a rona a fetohile. Fana ka sena, Morena. Re tshwarele dikgaello tsa rona. Kenya ka har'a rona Moya wa Hao o Halalelang. Re etellepele le ho re supisa tsela.

¹⁰¹ Ntate, Modimo, 1960 ke ena, e tobane le nna. Mme ho na le menyetla ya kopano ya lefatshe bophara, moo e kang mashome a dikete atisa ka dikete, le dikete le dikete tsa bahetene ba tala, ba rapela diseto, le jwalo-jwalo, ba ka tlang ho Wena. Oho Morena Modimo, ka Moya wa Hao o dutseng pelong ya ka, ke tobana le aletare ya Hao, bosius bona, le ho tobana le Wena, le ho re, "Nthuse, oho Modimo. Pelo ya ka e tukiswa ke tjheseho. Ke a O rata, Morena. Ke inehela ho Wena, mosebetsing. Nkise hohle moo O batlang ho nkisa teng. Nthome hohle moo O batlang ho nthoma teng, Morena. Bua feela, mme ke tla ya."

¹⁰² Hlohonolofatsa kereke ya ka. Hlohonolofatsa Moena Neville. Hlohonolofatsa batho bana bohle, baeti ba menyakong ya rona. Le badisa bana ba tla bua, nako le nako, mantsiboya ana ho tswella, ke a rapela, Modimo, hore O tle o hlohonolofatse tshebeletso ya bona. Hlohonolofatsa Moena Neville. Hlohonolofatsa Moena Junie Jackson. Moena Beeler, bareri ba bang bana bohle, ba hlohonolofatse, Ntate. Re fe selemo se seholo ka 1960.

¹⁰³ Rona, Morena, ba tsebang hobane re kopane le Wena, sefahleho le sefahleho, le ho tseba se bolelwang ke ho tswalwa labobedi ke Moya wa Hao, re fe mohau wa Hao wa bosaFeleng, ho O sebeletsa. Ka Lebitso la Jesu rea rapela. Amen.

¹⁰⁴ Le a Mo rata? [Phutheho e re, "Amen."—Mong.] 1960, e se be, ho re, "Ke phetlile leqephe le letjha." E se be, ho re, "Ke leka ho qala bophelo bo botjha." Empa e ke e be, ho re, "Ke kopane le Modimo, mme ho tloha mohlang oo, nakong eo, ka fumana kgotso e fetang kutlwisiso. Ka fumana thabo e ke keng

ya bolelwa, le e tletseng kganya. Ka fumana kgotsofalo. Esita leha lefu le ka ntlela, ke tla dula matsohong a Modimo, motsotsotso ka mora ho hula phefumoloho ya ka ya ho qetela. Ho sa tsotellehe se tlang le se tsamayang!"

¹⁰⁵ Ba ka nna ba e ruthutha ka dibomo, Sontaha bosiu, ha ba batla. Baa batla, le pele bomo e qeta ho petsola re tla be re se re le Kganyeng le Yena. Amen. Ha ho letho le ka re ntshang kotsi. Alleluia!

¹⁰⁶ Ke thabile haholo ha ke kopane le Modimo. Ke thabile ha ke kgona ho re, "Ho tloha mohlang oo." E toboketse hona mono! "Mohla ke ne ke kopana le Modimo, ntho ya etsahala ho nna. Ka fetolwa, ho tloha motsotsong oo. Ke fetotswe, ha e sale." Ke thabetse ho tsamaya tseleng ena, bosiung bona, jwale ka bopaki ba Kganya le Matla a Modimo. Nthwaneng ya kgale ka ntle mona, yaba Modimo o a theoha le ho mpho mohau wa Hae, le ho mpholosa, le ho mphodisa, le ho ntlatsa ka Moya wa Hae. Mme ha nke ke bolele Evangedi ya Hae, e leng yona hlompho e kgolo lefatsheng. Ho tloha mohlang oo, ho fihlela nako ena, ha ke e-so itshole. Empa ke tletse teboho, ka matsatsi ohle, mme ke tla etsa jwalo, ka bosaFeleng, hore ke kopane le Modimo.

Modimo a le hlohonolofatse. Ke hantle, Moena Neville. 

MME HO TLOHA MOHLANG OO SST59-1231

(And From That Time)

Molaetsa wona, ka Moena William Marrion Branham, o rerilwe sethatong ka Senyesemane ka Labone mantisoboya, Tshitwe 31, 1959 mane Tabernakeleng ya Branham mane Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org